

**ATASSUT****UPA 2016/118-1****Siverth K. Heilmann****09. 05. 2016.**

Ernup nukissiorfiup Qorlortorsuarmiittup sarfamik tunisisinnaanerat annertusarneqalerneranut atasumik, Alluitsup-Paa allanit salliutillugu, Qorlortorsuarmi nukissiorfimiit sarfamik pilersorneqalernissaa siunniullugu, Naalakkersuisut UKA 16-mi saqqummiunneqartussamik, qanoq naleqassanerani pilersarusiamillu suliaqassasut Inatsisartut aalajangiiffigisassaattut siunnersuut. (Inatsisartunut ilaasortaq Kalistat Lund, Inuit Ataqtigiit)

Aallaqqaammut inatsisartunut ilaasortaq Kalistat Lund, Inuit Ataqtigiit aalajangiiffigisassatut siunnersuuteqarninnut qujanaq, imatullu ATASSUT sinnerlugu oqaaseqassaanga.

Siunnersuuteqartoq ATASSUT-miit isumaqatigilluinnarparput, nunatsinni tamarmi illoqarfiillu inuussutissarsiorfittut ingerlatsiffiunissaminnut periarfissallit erngullu nukinganit sarfamik pilersorneqalerumaarnissaminnut periarfissalimmiittut tamarmik pilersitsivigineqarnissaannut eqqummaariffigineqarnissaat pillugu.

ATASSUT-miit isumaqarpugut, siunissaq ungasinnerusoq eqqarsaatigalugu, nunatsinni erngup nukiliorfiliortitsinerit ingerlaqqinnissaanut sanaartornissannullu minnerunngitsumillu seqerngup qinngorneri atorlugit nukissiuutit ataavartut atorluarnissaanut siunertaralugit, nunatsinniik nunattalu avataaniik aningaasaleerususutsip piumassuseqarfigineqareersup atorluarnissaanut Naalakkersuinikkut aqutissiuussisariaqartugut.

Aqutissiuussineruvoq nunatsinni, inuit suliffeqarfiillu inerisaanissamut aningaasaliinissanullu sapiissuseqarnerulernissaannut pilerinarsaarilluni politikikkut sulinermi aqutissiuussineq. Namminerisaminnik illoqartut amerligaluttuinnarput mingutsitsinngitsumik nukissiuuteqarnertik pissutigalugu, nukissiorfinnut akiliinatik, aningaasangorluguli tunineqaannartalersunik, taamatut ineriartorneq torrak, innuttaasut paasinnikkiartuinnarnerat ilutigalugu, pisariaqartitsineq aqutigalugu suliffeqarfiit aamma inerisarneqarput.

ATASSUT-miit arajutsisimangilarput aamma avataani suliffeqarfissuit ilaat namminneq, erngup nukiliorfiliornissanut, seqerngullu qinngorneri atorlugit nukissiuutinik sanaartorusuttunik aningaasaleerusuttunillu. Kujataani savaateqarfiit eqqaani, qulaani eqqaariikkatsinnut periarfissallinnut aammalu Qasigianguit eqqaani, eqqaatalu nukissiuutinik pilersitsivinissaanut ammaffiginnitto-qarpoq. Nunatta karsia aningaasameernerarlutigulu, sooq aningaasaleerusuttut nunattalu inuut tunniussinerusuttut misiligutinillunniit sanaartortoqarsinnaaneranut oqaloqatigiilluarnerit piler-sarusioqatiginnerillu aqutissiuussinnaasangilagut? Qanoq nuannertigissagalarpa, ukiut qulit (10) imaluunniit ukiut 15-init ingerlanerinnaani, sanaartorfigisimasaq akeqanngitsumik kommu-nemut innuttaasunullu kingornutassangorlugi tunniunneqaraluarpat.

Qorlortorsuarmi erngup nukinga atorlugi, Qaqortumut Narsarmi-lu innuttaasunut iluaqutissann-gorlugi sananeqarnikuuvoq, taamaattorli Qorlortorsuup ernga, tamakkiisumik nukimmit pilersitsiviusinnaanngimmat, eqqaani tatsimik allamik nukimmillu annertunerusumik pilersitsinissaq siu-

nertaralugu, aningaasarpasuit atoqqinneqartariaqalernerat illoqarfiit pineqartut innuttaasalu iluaquserneqassappata ATASSUT-miit paasisinnaalluarparput. Misilittakkat takutereerpaat, taseq qanorluunniit angitigaluarpat, erngup naakkaaffia (kuunnera) appassisumiitilluni, nukimmik tunisisinnaanera killeqartorujussuusarpoq, taamaattumik ilisimasat ilisimaleriikkallu atorluarneqartar-nissaat siunnissami ATASSUT-miit kaammattuutigissavarput.

ATASSUT-miilli aamma pingaaruteqarluinnarteq tikilaarusupparput, tassalu nunatsinni piffinni assigiinngitsuni, aatsitassarsiornerit aqqutigalugit annertusiarortumik, suliffissaqartitsineq aningaasarsiorfiunerisalu, ilorraap tungaanut ingerlajartuinnarneri ilutigalugu, kommuunet innut-taasullu, suliffeqarfissuarniit, assersuutitut, aqqusinniornernut allanulluunniit kissaataasinnaasu-nut aningaasaliisoqarnissaanut piumasaqaateqartarnissaq kissaateqarnerlu saqqumilaartinne-qartarnissaa. Sumilluunniit innuttaasutut qinikkatuullu, pilersitsivigineqarnissamik siumoortumik kissaateqareernej suliffeqarfissuarniit aningaasaliiffigitinnissamik inerteqquataangilaq, naalaar-tarput suliffinnik pilersitsiviginiakkap saniatigut, aningaasaliinissamut ammaffiginnittarput.

Alluitsup Paa-ta inoqarfiugaatsiarujussuunera ineriartorfioqqilernissaanillu isumaqarneq siunnersuuteqartutuulli ATASSUT-miit isumaqataavugut aammalu aalisakkat takkusimaaleriartuinnarne-rani pitsaasumik inissisimaffeqartup kingumut inuussutissarsiornerup siuariartoqqilernissaanut isumalluarfigaarput.

Siunnersuuteqartoq tungavilersuummini oqaatigaa, Alluitsup Paa Qorlortor-suarlu nuna ataatsimi imminnut qanikannerlutik inissisimasoq, aammalu sarfamik sinneruttoqassappat pissusissamisoornerpaajussasoq Alluitsup Paarmiunut tamanna iluaqutissanngortinneqassappat. Sarfamik sinneruttoqassappamik siunnersuuteqartumiit oqaatiginninneq, Naalackersluisuniit qulakkeerneqarsimanerluni, ilumut Qorlortorsuarmi erngup nukinganik annertusitsinerup kingunerisaanik, sarfamik sipporuttoqarnissaa naatsersuutigineqarnersoq? Neriutigaara tamanna ilisimaneqale-reersimaguni ersarissumik akissutissarsiffigiumaarlugu.

Qaqortup Narsallu erngup nukinganik pilersorneqarneranut aaqqiinarneq, Alluitsup Paa-nullu pilersuisinnaaneq amigartutut nalilernerqarsimassappat, taava aalajangiiffigisassatut siunnersuut imminut mattutereersimassaaq. Aningaasaleerusussusermut periarfissatut allatut tikkuartukkagut atorusunneqarpata piareersimavugut suleqataanissamut, taamaattorli Naalackersuisut itigartitsi-nissamut inassuteqarnerat ATASSUT-miit qaninneruvarput isumaqatigalugulu.